



曾靖皓 同學

客語 · 散文 · 學生組

第一名

得獎作品

朋友，成功个源頭

得獎感言

承蒙大家，承蒙評審先生恁相惜，還有承蒙佢个客語先生——范雯鈴先生，佢當有耐心，還提供當多資料分佢參考學習。一溜里來，佢參加過當多比賽，第一擺打全國第一名，實在當歡喜。最尾愛承蒙文章肚个小鈞，有你正有今晡日个佢！佢會繼續學習，承蒙大家。

朋友，成功个源頭

「各位評判先生，各位參賽同學，大家好～佢係編號……」輒常代表學校參加客語朗讀比賽个佢，雖然經驗恁多，在臺頂兩隻腳還係會緊顫、心肝砰砰跳。毋過，話講轉來，佢盡好在臺頂用演講个方式來分享自家个人生夢想。佢參加客語演講比賽，逐擺都有打名，爺哀摻先生儕儕盡安腦，佢个後背黏時生一條尾，感覺當有成就，試著講客語當生趣，也對客家文化个研究緊來緊有興趣。

從細戴在客家莊，見擺出門，毋論係朝晨个市場、也係臨暗仔个公園，隨時都聽得著大家用客家話打嘴鼓，所以，佢个客語自然就毋會差。恁堵好，佢讀个小學係客語生活學校，學校當注重客家文化个推行，行在校園裡肚，隨時做得看著客家花布、油紙遮、油桐花等等个壁畫，各種代表客家个東西貼在公佈欄、樓梯、福利社，連上便所也做得學著客家話了。學生仔逐日浸在客家氛圍肚，同學之間打嘴鼓用客家話，轉屋下摻世大人、摻隔壁鄰舍全係用客語來溝通。講著客語，佢當有嘴碼，客語發音又正个好朋友，安到細鈞，佢係佢國中同學，佢兩儕共下參加當多比賽，佢參加朗讀比賽，佢參加演講比賽，兩儕下課時節，常常共下討論哪隻音愛仰般講正著？羅馬拼音愛仰般寫？哪隻華語詞轉換客語愛仰般講？見擺學校下課時鐘一打，佢就等等細鈞講：「等下愛去哪位逛？愛去哪位食？」佢總會應佢：「想去哪就去哪，分你安排」。

回想細時節，佢當好去尋細鈞摻上屋个阿宏、阿東，幾個細人仔走到菜園去焙番薯、打紙炮仔，無就去公園大樹下搞份家啦仔，買兜餅仔、啣个飲料，坐地泥看鳥仔，成下去海唇放紙鶴仔，成時走去山頂搞園尋仔，佢最好摻細鈞共下走分來福迫，來福係一條細狗仔，當好珍佢，因為佢係有食个，佢會摻佢分享。這兜簡單个幾句話嘎變成佢心肝肚盡靚个回憶，想起該當時个感覺實在還幸福還快樂。

一瞞目就上高中了，當歡喜摻細鈞讀共間高中，因為分到無共班，所以兩儕共下个時間就伸著逐日打早共下等車摻坐車个時節定定，在車肚佢兩儕長透分享各儕班上一兜生趣个事情，下了車，新个學校摻新个同學，因為大家還旨當熟事，佢無習慣相借問，總係希望細鈞能不時陪等佢。下把仔放學个時節，細鈞係無赴著車枋，歸車全係毋熟事个，看等窗門外背柑仔色个日頭，就會想起頭擺摻細鈞滿哪走，共下討論客語，研究讀音咬字，講講笑笑个日仔。高中个課業當多，

壓力大到強強會敵毋著氣，同學來自臺灣各地，有原住民、河洛人摻新住民个後代，無人聽得識佢講个客語，乜無時間尋細鈞謔。

都市高中教室个窗門看出去，摻細時節學校看个光景完全無共樣，外背一層比一層高个大樓，車仔來來往往个引擎聲，成下合兜喇叭聲，本成有課業壓力个高中生就更加緊張。還記得頭擺讀小學窗門看出去係一遍遍个禾田摻一層層个青山，耳空傳來个係阿公阿婆叔婆伯姆用客語打嘴鼓个笑聲，禾田脣佢摻細鈞在該走追仔，走等走等，這下一遍遍黃黃个禾田嘎變成一棟棟个高樓，一大遍青藍个天分大樓遮忒去，斯伸著頭那頂一細垵藍天，愛頭臥臥仔正看得著。「鈴~~」啊，打鐘了，原來佢前一暗讀書，考試考到一半，毋會寫嘎啄目睡，恅到睡忒去。沒想著，國中專門打前幾名个佢，來到高中嘎感覺讀書有盡大个壓力，同學全部當有實力，佢跔毋著，嘎當緊張，食睡毋得。

這幾日來，歸夜反躁到睡毋落覺，打電話分細鈞，同佢講佢个心情，無想著，佢乜摻佢講盡多盡多佢毋慣个位所，佢講逐句話，斯像烏雲肚射出个日光恁溫暖，佢講：「佢爭取著了兩隻代表學校參加客語講故事比賽个機會，佢已經報名了，毋過還有一隻名額係佢特別留分你，希望你共下來參加，拈轉你自家个信心好無！」聽啊著佢這句話，佢艱苦个目汁變成歡喜个目汁流過面頰卵，「好！」佢答應佢。

第二日，佢摻細鈞就黏時去教務處報名，學校摻報名資料交分主辦單位，佢兩儕就開始逐日共下練習。佢兜一下學校專車，就黏時去兩儕從細共下搞到大个秘密基地練習，這擺，無像頭擺佢比演講佢比朗讀，這擺係兩儕比同項，佢兜係競爭對頭，互相鼓勵，佢試著佢過个日仔當幸福，逐日都做得摻自己最好个朋友共下做有興趣个事情，斯像又轉到頭擺樣，當單純又快樂。佢兜準備一禮拜就摻演講稿寫好勢了。佢兜請先生指導，高中个演講實在無恁簡單，毋單淨發音愛標準，還愛增加比手畫腳个身體个語言摻心情个表達，都加添了練習个難度，佢摻細鈞互相加油，互相扶持，共下認真來學習。到了比賽會場，佢摻細鈞都當緊張，看著其他參賽者該花刺必駁个打扮摻道具，再看看佢摻細鈞自家，斯著一領白恤子摻烏長褲，試著矮人一大截。毋過細鈞摻佢講一句：「佢兜靠个係實力，毋係該兜衫褲摻道具，莫驚！佢永遠在你脣頭支持你！」聽啊著了這句話，實在感心，黏時嘴扁扁，腦海出現從細摻細鈞共下搞个畫面，一幕一幕出現，看等細鈞恁恁个自信，佢又感覺有希望了。比賽起勢了，逐隻參賽者都表現都湛，當遽，輪著細鈞，佢看等佢自信个笑容，大步大步个向臺上行去，佢看佢講著樂線又生趣，完全毋會緊張，正經係大腳士。細鈞講煞就輪佢上臺。佢看等佢定定仔行下臺，還不時緊轉頭關心佢，還用手比加油！

「二十三號請上臺」，啊！輪著佢了！「各位評判先生，各位同學，大家好～佢係編號……」，雙腳緊掣个佢，嘎毋記得演講內容，佢看向細鈞，心肝肚个回憶全部走上心頭，佢直接隨來隨鬥演講，顛倒講出來个比以前準備寫好个還較精彩，更加感動人！最尾，佢摻細鈞分別得著第二名摻第三名。經過這擺个客語比賽，佢摻細鈞个情感又更加深了。客語毋單淨係一種語言，也係一種文化个傳承，還做得拉近人摻人个距離。雖然還有盡多人毋曉得講客語，毋瞭解客家文化，毋過，無關係，只要保持一隻延續客語精神个心，傳承這靚妙結晶个客家文化，客家人就會緊來緊有信心，緊做緊好。

放學轉到屋下，遽遽摻屋下人分享得獎个快樂心情，洗了身，上眠床，聽著上屋个阿姨摻阿姆打嘴鼓，安腦佢恁慶，佢緊聽緊偷笑，該暗，睡到當甜。這隻客家莊，滿哪位就感覺得著溫暖个客家人情唷！你聽，佢正講阿忒，姨婆就來敲門送飯，冰箱肚還有昨晡日隔壁阿松叔拿來个白菜旨食忒哩，還有恁好个朋友互相支持，戴在這大家庭个客家莊，實在快樂啊。想想等等，「二十五號請上臺」，啊！輪著佢演講了，坐佢脣頭个細鈞摻佢比隻加油个手勢，鼓勵佢，有細鈞這隻朋友，實在當幸福啊！人講朋友在精毋在多，堵一隻興趣相通又交心个朋友，實在係佢前世修來个福氣啊！遽遽上臺，又開始佢个演講：「各位評判先生，各位參賽同學，大家好～佢係編號……」